

宋詩紀事補遺

宋詩紀事補遺卷之六十五

歸安陸心源伯剛父輯

林觀過

號退齋福建閩縣人嘉定十年進士端平閒知
新昌性敏捷有文名聘雙峯饒先生講明道學
率勵諸生士習一變累官分差糧料院

遊寶相院

古人期年變拙政媿格頑觸此三伏暑招提解征鞍
好風隨過雨稻花秀可餐南窗一榻涼久輪老僧閒
盤殮息萬慮竹梧凜相看清陰交蔽芾直節不可干

斯來結三友欲去復盤桓

瑞州府志

棋盤山

山頂仙翁一局棋不知人世幾推移
玉枰石座今存否空使朝猿暮鶴悲

天柱窟

六丁擎柱上天門石窟空遺透地根
不是溪人嚴守

護靈踪那得至今存

甯德志

包恢

恢字宏父南城人其父揚爲朱陸門人
恢幼卽講心性之學嘉定十年進士官
資政殿學士封

南城縣侯贈少保謚文肅有敝帚稿略宋史有傳

和陳七峯韻

濁世九黃河太虛一明鏡混混皆隨流炯炯誰獨醒
崛起孤峰高盡得眾山領根基旣超然培植功且更
四明決獄由甯海道中

山童首少髮石老脊多骨上猶劒戟關下沒沙磧窟
曾無好步行常有失足驚前若逢峻拒後如迫使傾
所幸甚艱難平生脩嘗試險阻誰能知乾坤元簡易
謝王洪伯惠酒炭米

君許身比稷視飢眞已如免吾學顏帖乞米李大夫
飽我德更勤青州兩從事酣飲愧無言未嘗識奇字
杜陵四海志不忍寒飈飈投我一紅爐果勝千金裘
以上江
西詩徵

桂如琥

江西貴溪人嘉定十年進士

遊華陽巖

雲氣有時迷洞口塵埃飛不到胸中

湖北詩
徵傳略

王邁

厲有

簡同年刁時中俊卿詩

并序

刁家衢之江山未第時作老農行以諷其長
官言辭甚苦今爲綏甯簿被鄒帥檄來董虎
營二千閒之役諸邑疲于應命民閒悴于科
募一日稟帥又欲任浮屠宮宇之責帥以少
緩謝之余退而作詩卽以所諷令者諷之

讀君老農詩一讀三太息君方未第時憂民直懇惻
直筆誅縣官言言虹貫日縣官怒其訕移文加誚斥
君笑答之書抗辭如矢直旁觀爭吐舌此事勇無匹
君今已得官一飯必念國民爲國本根豈不思培植
其如邊事殷賦役煩且亟虎營閒三千鳩工日數百

硬土燒熾窑高岡輿巨石山骨慘無青犢皮腥帶赤
羸者頽其肩飢者菜其色憔悴動天愁搬移驚地脉
吏饕鷹隼如攫拏何顧惜交炭不論劬每十必加一
量竹不計圍每丈必贏尺軍則新有營誰念民無室
吏則曰飽鮮誰憫民艱食州家費不貲帑藏空儲積
閒有小人儒旁獻生財策大帥今龔黃豈願聞此畫
夏潦苦不多秋旱勢如炙願君在蒿心端不渝疇昔
蔡人卽吾人一視孰肥瘠作事宜少寬紓徐俟農隙
至如浮屠宮底用吾儒力彼役猶有民何名尸此役
君言雖慙慙帥意竟縮瑟同年義弟兄王事同休戚

相辨色如爭相如情似暱余言似大慙有君前日癖
責人斯無難亦合受人責我旣規君過君盍砭我失
面諛背相傾俗子吾所嫉

跋林學士宋卿帖

林初第時與友人洪明昌帖云某叨忝後得
鋪地錢千省孤寒出京人例厚贖之所存無
幾但沒雙金閒費耳僕一日過姑丈林叔寶
家睹此帖因歎前輩高誼如此偶憶韓魏公
生平輕財喜士凡數事國史不載而家傳載
之遂成古詩以發潛德

朝爲一旅人暮拾九品官趾高氣且浮反面視孤寒
昔聞韓魏公義風寒人寰赤舄坐畫錦有客排其關
孤身無所賣乞公玉盥盤公笑授之去感涕雙汎瀾
我始得此事謂可聳俗觀家傳書甚悉國史載不完
今見學士帖爛然銀鉤蟠方其一第初半載游長安
持書遺鄉朋客費無虛閒近得奩中貲分壯貧士顏
寧我食無魚不忍渠無餐寧我裾無華不忍渠衣單
臭味何所愛敢言囊之慳猶愈輕口兒一笑黃金拚
我來閱遺書據案發長歎縱橫纔片紙突兀已萬閒
魏公爲上相底士易爲懽林公初筮仕爲此良獨難

景仰前輩人高節
騫雲山原小不可作清風
何時還
紙筆哦此詩寄名烏絲欄
庶幾一見者可以激偷頑
軒集
以上應

胡夢昱

字季昭又字季汲號竹林愚隱吉水人嘉定十年進士授南安軍南安縣主簿丁母憂服闋授南康軍都昌縣主簿中大沘科授陝州司法除大理評事寶慶元年訟濟邸冤言切直忤旨同日移書史相彌遠亦觸其怒遂謫象州羈管移欽州未行卒咸淳三年追謚剛簡

自詠榕陰

古人遺直今人是肯效鄉原事踴涼不把危言陳北
闕何由著腳到南荒排奸斥佞風霜手耐冷禁寒鉄
石腸贏得榕陰濃密處忘言默坐對爐香

見象臺
首末

許復道

東陽人沉潛六經尤長於春秋嘉定十年吳潛
榜進士任淮西總幹改通直郎致仕年八十一
卒贈中奉大夫

涵碧亭

飛泉當面玉虹垂收拾驚濤貯小池

倚岩山骨

秀激湍成兩澗毛滋壁閒遺墨淒塵 眼底新篇

色絲卻憶謝公山更好夢中時不負心期

東陽縣志

又

繞竹沿崖一徑垂穿山飛玉落芳池林深坐覺塵埃
遠岩潤長含雨露滋雙鯉對浮波面石一綸難擲掌
中絲月明歸路烟霞外更與山公再訂期

涵碧亭

沿途聽潺湲蒙茸冒沙石誰知此山下千里在咫尺
潭潭光明宮皎皎心印宅石細泉自香水淨林逾碧
太清無潛鱗至弱而能力玉龍出蒼峽威勇壯莫敵

風雨填空來萬夫，助推激座中起波濤。足下殷霹靂，
我來縱雄觀神意。了莫逆，心鏡淨表裏。坐久萬籟息，
悠然到平淡。渙若春冰釋，棲遲羅書記。想像劉賓客，
勝緣在山閒。每至忽有得，何以謝山靈。作詩慰岑寂，
司馬述。

夏縣人嘉定十年宣教郎知上元縣十二年改
甯海通判累官知温州浙江轉運使

仲夏賞月次雪齋韻二首

喜約當余望

四月爲余月

開樽對月圓。一時如素定，四美

復兼全。清影浮瓊斚，高歌樂性天。主賓歡意洽，不惜

且留延

停盃待明月喜見十分圓曩昔詩猶在今宵事偶全
浩歌休問夜至樂莫非天願侍金樽側時來接款延
燭湖集

史彌堅

字固叔鄞縣人浩幼子累官衢州通判司農丞
知臨安府嘉定十年權知建甯府紹定五年卒
宴黃狀元 大任

月色花光正可人笙歌會處喜津津跨鰲海上文章
客攬轡天隅禮樂臣丹碧屏閒三月暮玻璃杯裏一

團春暫聽紫燕黃鸝語更捧紅雲侍玉宸

以上翰苑新書

留筠

字端甫清源人正之次子嘉定丁丑刻詩于澹山巖曰行部來遊必持節官荆南者

遊浯溪

天生一代老文詞留得高名日月垂山口猶餘元氏族溪痕幾口魯公碑未論再造中興業卻羨三吾高臥時崖石雖磨千古在渡香橋下水空悲

遊澹山巖與僧文思酌衡嶽茗誦山谷詩徘徊久之以識歲月

起仰高山積育年忽看巖窰鎖雲煙一塵不到非凡
地六月當知不暑天昔有秦人嘗穴處世從山谷始
名傳品題自古因人重我謾邀僧煮石泉

舟還浯溪再留二絕

爲愛浯溪風景幽重臨釣石繫歸舟不妨細讀豐碑
下墨本空看幾白頭

自笑塵埃賦口忙佳山招我莫徜徉何當了卻癡兒
事來伴高人枕碧湘

湖南通志
金石略

上官彥宗

邵武人嘉定十二年特奏涇祐十年官宜黃丞

駟獅嶺

俗名
愁思

遠望輕雲絕頂浮泉聲山色破牢愁當年聞有幽棲

客坐對春風萬壑流

邵武
府志

陳應辰

字清溝東莞人嘉定十二年鄉貢特奏名進士

連州推官兼擢僉判官至通直郎

青紫峯亭

鐵壁嶙峋構小亭蕭然雲棟接風櫺烟光橫抹半峯
紫山色不磨千古青老去久無金馬夢歸遲應愧草
堂靈明經拾芥成何事得似朝來對畫屏

廣東通志
古蹟略

陶夢桂

字德芳晚號平塘老人進賢人嘉定十三年進士調德安簿知吉州萬安縣嘉熙三年以京湖知機兼通判岳州去官辟知容州命下不起閒居十五年寶祐元年卒年七十四遺詩二卷

次韻德修弟

自古賢名隱魏亭老夫底用更專城得閒且看雲來往不飲休論酒濁清險阻備嘗知世味消磨不盡是詩情西堂不作惠連夢其聽茆簷夜雨聲

次弓天錫送胡儒文韻

不論朝市與山林兩鬢難禁白髮侵物外休論天下
事書中要見古人心老來酒債渾無有公等詩名儘
可尋吟料從來無盡藏江湖萬里水雲深

以上見平
塘陶先生

王埜 屬有

賞心亭

物華盡入錦囊收留與江山做話頭桃葉數聲風力
晚蘆花萬頃月波秋休尋鶴相當年畫誰記坡仙舊
日游回首興亡多少事漁舟獨不掛閑愁

景定建
康志

翠微亭

虛亭北眺大江臨江外晴嵐出寸岑景與齊山俱絕
唱量如滄海且頻斟地高宇宙雙眸豁人老風霜兩
鬢侵感慨石城勳業舊侃居夏口嶠居深同上

姜應龍

字升之仙居人嘉定十三年進士

題湘湖

世路羊腸淹客游塵纓來此濯清流半窗修竹翠含
雨一片澄湖冷浸秋地僻莓苔侵石几機忘鷗鷺近
漁舟夜涼酒醒未能睡詩句欲成搔白頭

宋詩拾遺

徐敏

宋詩卷五
一作敏功鄞縣人嘉定十三年進士

薦癡絕禪師

癡絕有菴不肯住弄月挑雲徑山去地水火風分裂
時親書贈予黃葛布蛻封讀罷咽無語會得龍鬚能
避暑豈知玉骨本清涼書則珍藏布不取源老忽踏
幽深路道在隔山遙望處巨帙已載爛葛藤何堪又
送閒家具開眼一看笑呵呵猶有這個可奈何來而
不往非世法聊效片忱愧不多兩角茶十帋麵寶瓶
飛錢五十萬虔心獻此一瓣香奉爲禪師作清薦且
問先師來不來玉山菴頂白雲開更煩大眾打圓相

撥取青蓮火裏灰

天童志

謝卹

字應之天台人嘉定十三年進士

赤城志作
臨海人

遊胡季昭謫象州

燕雀羣飛敞漢宮驚聞伏馬忽嘶風洪恩大度祈三
宿烏府何顏奏一通勁節敢攀丹陛檻忠言應夢白
頭翁象臺一貶端然直所幸身窮道不窮

見象臺
首末

秦噩

字公肅安仁人嘉定十三年庚辰進士以理學
著尊爲南澗先生

清溪曉行

瀾瀾一溪水滔滔終古晴
晃漾吸初日風靜波不生
衝烟出孤棹微聞欸乃聲
寄言彼漁父吾學濯吾纓
沉湘耆舊傳

曾鎬

廬陵人嘉定十三年進士

清都臺

兀坐豈不佳偶出亦良適
高臺挹清曠況此好風日
俯憐波面淨仰愛松身直
灑落萬古秋飛鳥度晴碧
徘徊足瞻眺蕭散謝羈馭
浮生眇塵端一醉不易得

古人豈其遠千載猶宿昔清風何寥寥愧此臺上石

吉安府志

劉子澄

子澄字清叔泰和人嘉定十三年進士官棗陽令以較畫軍事忤賈似道遭貶後隱廬山有玉淵吟集

憩南臺寺

居塵等出家涉世類行腳岳靈招我隱雨止雲亦閒
乾坤錦囊收風月塵柄握眾鳥各自鳴豈礙冲霄鶴
蒙泉行呈張敬父

玉龍蟠向荆山麓噴起雙泉水雪瀑琮琤萬古作寒
鳴冷浸一山渾如玉泉傍樹老亦如龍泉根石濯瑪
瑙紅更有金蓮吐泉底歷歷星在銀潢中池光六月
如霜洗藍橋倒影壺天裏流下人閒灌稻畦歲歲家
家飯雲子我行荊州見山少忽對林泉如久要張侯
引我飛羽觴勸我爲泉開一笑我歌數語泉應聞茲
山古號荊州門英雄過者心在鹿安得泉聲到耳根
曹瞞疾馳元德懼潘璋設伏雲長怒早知成敗等邱
壘悔不解鞍學巢父英雄何在水長流閱盡英雄過
未休今日爲侯泉上醉明朝西指鹿門遊

武林別任年魁

詔書應在道君但趣行裝去棹乘桃漲朝衣帶芷香
歸齋尋舊話上殿拜新皇論事依經好平遷是玉堂
遊岳麓宮抱黃洞

連天七十二雲屏眞境先於翠麓呈洞發金光丹氣
結泉流乳白玉華生江心雁影重臨字谷口禽呼自
答名閒步不教方外覺破烟雙鶴已來迎

以上江
西詩徵

讀書臺

安鄉古下邑公偶混迹居編茅閱古今清澄泮澧渚
波濤入胸中萬甲時卷舒坐吞八九澤去作宋眞儒

西師出緒餘膽已寒
麴廬軍中但歌范誰識舊陶朱
大賢方窮時隱憂在江湖功成等糟粕
况復堂上書
我來拜遺像悲風生黃墟
公今倘無死此地正堪娛

湖南通志
古蹟略

遊層巖 并序

淳祐丙子春余被旨北歸越四月辭九疑買
舟瀟陽下澣遡瀟如永明訪別諸友遂遊層
巖卽境賦詩呈權縣岳教黃君以遺巖居何
訓導

一層雲結一層巔
貫腹成溪異物潛
仙樂萬懸鐘有

乳洞門百折水爲簾崖碑薜暗瑰辭缺石棧苔闌羽
衛巖我欲通天剏絕頂倒飛明月浴寒蟾

湖南通志山川

哭趙南仲

功名翻覆等南柯雲掩新阡長薜蘿千載只憑公論
去百年無奈世情何高光時節經營易晉宋人才隱
逸多入汴老賓猶坐謫餘生只合理烟蓑

浩然齋雅談端平甲午入洛之役二趙喪
師劉子澄實主帷幄之籌遂坐貶封川意
不復用南仲之死
子澄以詩哭之云

王子申

三山人嘉定庚辰永州郡丞

遊澹山巖

坤靈擘罅天幻奇一到僊凡覺兩岐處士清風存萬
古詩翁雅句見當時洞深不礙煙雲逸丹就那知日
月遲更上層臺瞻佛象媿無法語勘狐疑

湖南通志
金石略

游似

字景仁四川南充人嘉定十四年進士官至右
丞相兼樞密使謚清獻寓居德清新市鎮事迹
詳宋史本傳

黃鶴樓

長江巨浪拍天浮城郭相望萬景收漢水北吞雲夢

入蜀江西帶洞庭流角聲交送千家月帆影中分兩岸秋黃鶴樓高人不見卻隨鸚鵡過汀洲

吳興藝文補

陳珪

連江人修職郎嘉定十四年建康府學教授

景定

建康志作
三山人

垂虹亭

高壓玉龍腰參差雁勢朝雄吞五湖闊平揖兩山嶢
闌檻中流出炎蒸白晝消暫來塵慮息那復日逍遙

吳郡文粹續集

靈峯院

石洞雲歸春雨足海門月上夜潮生

三山志

張潞 鴈有

嘉定辛巳之官遊浯溪讀碑感慨爲賦七言

高樓巨擘立□蒼中直浯溪帶樣長黃屋朝臨蜀萬
里翠珉暮刻楚三湘兩朝功罪乾坤定二子文書日
月光太息斯盟誰復主代興今者得黃張

湖南通志金石略

李簡

字敬可甯海人嘉定十五年特科

送僧歸護國寺

來赴龍華約歸承帝澤新道高傳幾袒言下得何人

水想靈溪健花饒法界春自甘鉛鈍老猶望指迷津

天台

續集

牟子才 厲有

春雨懷述

懶把閑情去問花花如含淚向天涯二分春色已拋
過幾處芳枝蹙未芽羯鼓無功緣底事鶯梢已恨落
誰家門前楊柳黃猶淡爲問何時可暮鴉

把酒臨風酌太和春光九十已無多四陽壯矣陰如
此萬卉淒其愁奈何不怕生成銷鑠盡祇緣花信等
閑過欲將詩句勾晴色南墅騷人製菱荷

截江網

宴江檢詳

神螺卷雨入田疇留得公堂一片秋天上已催郎署
公人閒難挽使華留莫嫌仲舉題輿晚猶及東坡秉
燭遊易在虎皮公在坐試開寶篋爲人謀

同張倅宴吳吉州

新陽葭琯已浮灰昨夜珠從合浦回曉日鸞旂新竹
契春風龍炙古蘭陔青原別駕斟丹酒碧落仙人醉
玉梅來弒五更三點入直迎紅藥看蒼苔

以上翰
苑新書

慶丁太監

兩朝表異詔言溫忠厚根基百世培嶽麓湖湘多秀

氣玉杯繁露是奇才詞章近接秦而上學術羞肩漢
以來事業元從儒者出經綸之地自恢恢

三瑞堂前香燕凝詩書一脉浸人心韜峯不露全牛
解振鬣長嘶萬馬瘖諸縣屢豐公事少葦年未及去
思深減租除粟興三學人口如碑詠到今

碧露猶餘不盡翰文章少露豹林斑身行襄蜀江淮
外名在龔黃召杜閒使傳暫勞濡轡沃帥幢已聳碧
油閑笑談盡護風寒了歸踏春風輦路班

侯門六射喜從逢今歲豐和夔不同漕輓甫資蕭相
策閣宮恰壽魯僖功鶴歸動是三千歲松夢終當十

八公願舉家風祝公壽夜來已壓小槽紅

截江網

鄭江

莆田人嘉定十六年進士

鼓山

石揭君謨椽筆健詩留子直翠珉斑

鼓山志

戴翼

閩縣人嘉定十六年進士初攝南康軍後知邕

州

贈星術黃太史

俗流談命不問晝夜皆以日在卯者爲命而

月之所在爲身者謾不及究獨儒術黃生得
之試以休咎無少差者奇哉茲術因賦詩贈
之

粵從太極生兩儀大明生東月生西煌煌兩月照今
古一晝一夜分主之人具陰陽中造化亦係日月之
所舍在日爲命月爲身所主各隨其晝夜此數定不
差毫毛惜哉庸術其傳訛談命以日不及月日本豈
晝如夜何甘石不作今已矣星學之精其能幾掌中
日月分旦昏獨有黃生精算爾黃生算到毫杪處吉
凶定如鼓應桴奇哉此術眞神祕世人不知反爲異

俗流何可輕與談吾有穎濱月軒記

截江網

林宋偉 厲有

勸農卽事和厲寺正韻

春將新綠滿郊原喜逐雙旌曉出關
初度麥畦行詰曲卻穿竹徑俯潺湲
陰陰霽色催歸騎獵獵溪風醒醉顏
父老歡呼隨幼稚隔途爭看使車還

我不歸耕卻勸耕下車且伴老農行
萊苗已過花纔盛桑葉方開甚早生
此去耕牛無暇日新年啼鳥總懽聲
定符賢守豐年願甘返田園老太平

截江網

王胄

字希載號是庵泉州晉江人嘉定十六年進士
惠州教授秩滿入爲太學正遷博士校藝禮闈
有諫官同典舉欲私所厚以冠多士其文險怪
胄識之曰必某人也同典舉者色沮易其次第
而心銜之出爲惠通判

羅浮

傳聞此山分蓬島錦繡青霞疊相向飛雲通天兩絕
奇更出上界三峯上凌乘汗漫不可得倩誰圖畫丹
青狀朝眞學道走俗子紀實留題出宗匠何當步虛
躡太微森列金庭五雲仗祇園琳字山崔嵬鬱蔥佳

氣天容開回頭卻立睨人境渺渺瘴霧驅氛埃非惟
此地相引領歎我爲爾胡爲來他年欲訪經行處請
看姓字鐫巖隈

羅浮山志

王九萬

福建建安人嘉定十六年進士

壽侍郎七十九

炎涼薄流光榮悴猶生理芳荃化爲茅嘉橘變成枳
誰知古大椿霜雪自凝凝立身旣千仞鶩陰殆百里
宜哉富春秋萬物聽獨止先生一靈椿聳壑屹山峙
納湖漑其根後溪擁其址平生學問力頓在名節裏

甘泉詎弗貴東山不爲起以身蹈高潔爲世律貪鄙
坐令夸奪輩疾走掩兩耳乃知公進退均爲國憑恃
恭惟陛下聖雅欲致園綺黃金已九環丹詔行一紙
公心豈輕重上意實注委嘉平報初度吉音隨燕喜
耆英七十九彷彿富公是行歸礪溪載更詠淇奧美
方覺歲寒姿不隨世變靡錦溪入霞觴城山揖燕几
祝公如大椿明堂棟千祀

截江網

應繇

字之道鄞縣人號葺社嘉定十六年進士歷官
秘書少監直學士院兵部侍郎翰林學士同知

樞密院事參知政事贈魏國公諡文敏

董孝子墓

渺渺靈緒士厥畧名黃楊有漢董徵君體魄厝其鄉
人以孝而重地以孝而揚迄今瞻墓下悠悠思且長

慈谿
縣志

蔡仲龍

字子奇嘉定十六年進士官大理少卿出知信
州

謝恩詩

聖朝興運自天開又直臨軒策草萊廷對自慚無宿

搆臚傳何意冠羣魁幸瞻北闕承殊寵忍負南山咏
有臺稽首君恩難報稱誓殫忠赤贊規恢

宣平縣志

李大同

字從仲東陽人學于成公與朱文公之門登嘉定
癸未進士官至工部尙書以寶謨閣直學士
知平江府有羣經講義

白澤荷花

故老相傳白澤湖旌陽一濯潔難污只今尙見荷花
在未識神仙更有無

瑞州府志

李義山 厲有

題式之詩卷後

老氣稜稜未易攀
誼襟凜凜可廉頑
瘦筇只爲江湖上
詩卷旁行天地閒
社雨風花春正好
酒壚山屐夢相關
夔州已浚花繩削
今度編成不要刪

石屏詩集附錄

董槐

字廷植定遠人
嘉定進士嘉熙元年提點湖北
刑獄平定常德軍變二年權知常德府仍點刑
獄

桃源洞

武陵源在朗江東
流水飛花仙洞中
莫問漁郎千古

事緣楊深處翠霞空

桃源縣志

宋詩紀事補遺卷六十五終

男內閣中書樹屏校

宋詩紀事補遺卷之六十六

歸安陸心源伯剛父輯

吳梅卿

字清淑仙居人嘉定十七年特舉仕至忠州文學從朱子游著有經說語錄

題淵明愛菊圖

秋菊由來美願言愛者誰聞道陶彭澤嗜彼獨孜孜
嗟嗟兮秋菊何入淵明思我今忽解得不肯告人知
宋詩拾遺

凌雲

吳人嘉定進士

弔林和靖處士

孤山屹屹鎮西湖山上逋仙舊結廬地僻真堪供隱
士鶴馴全不費招呼旌賢賜粟來天詔踏雪尋梅入
畫圖留得遺祠表清德斜陽古木自啼烏

宋詩拾遺

陳有聲

字廣宗長樂人嘉定間以進士尉上高廉靜不
擾教士子以作賦之法

重修聖濟院

蒙泉距宜春相去百餘里有僧來問余借問何姓氏

乃余昔所敬見之蹙然喜敘余語未旣省記到山始
屋廬今何如舊者存有幾一別十八年再見復在此
僧云今勝前百蠹費更理昔茅塞蹊徑今道平如砥
昔門不容葢今可駟結軌昔堂地一均今去天尺咫
翬飛兩廡列翼從萬瓦起古殿布丹雘雲龕照青紫
臨流地寬曠一帶碧清泚竹院密回環松關秀兩峙
峯巒對青眼泉石洗幽耳最上兩龍湫層崖狀奇詭
水旱凡禱祈響答應甚邇載念此招提明禪祖基址
傳燈焰不續老子心所耻莊嚴七寶界因果非偶爾
問余求篇題以爲歲月紀余老書最拙況在塵箠裏

欲到身未能欲輟請未已忽然若天會拈筆書滿紙
大空一浮漚無成亦無毀廣潤包八荒歛藏歸一指
道足滿須彌意合在稊米幻成如是觀佛亦不在是
虛空白且光澄波靜無滓四山時出雲一月照徹底
天開道門庭不斷佛種子心地日杲杲光照千萬祀
流化亭

惟聖觀化自源而流惟吏觀化自邑而州聖念於民
吏職其憂民壅於化則吏之尤我相此邦此邦之休
昔民睽睽胥戕以劉今民熙熙式歌且謳昔民啼饑
穀粒不收今民夷懌無佩犢與牛是曰化國莫知其

由我儀圖之惟孝友張侯侯有令德不競不綵澤霑
而春令肅而秋靡夙夜不勤惟民之誨孰寃而伸孰
貧而賙孰梗而頑去其賊蝨孰巧而奸鍛其戈矛惟
教化不行如疾弗瘳旣觀厥成泮渙以遊經之營之
爰始爰謀乃築斯亭于江之陬如跂斯翼如方斯轉
如虹維橋如鷁維舟如蓬萊瀛洲匪曰予觀臨深極
幽爾化於成其政優優如彼時雨雲之油油如彼源
泉集於澮溝惟百世以留邇彼源矣其流悠悠登彼
亭矣其樂浮浮爾嚳爾頑化而善柔爾利爾銛化而
鋤耨爾文而化爲蘇爲歐爾俗而化爲虞爲周大德

小德厥義可求無不爾承厥德莫酬

上高縣志

胡鏜

字伯遠江陰人嘉定進士工部郎中

失題

貧居三不住薄宦兩無求

常州府志

費士幾

字達可廣都人費詩之後與弟士寅同登第嘉定中知夔州仁愛下民勤誨士類又編輯文獻爲固陵集行於世

踏磧

寶釧金釵盛峽風遨頭爭逐去匆匆旗標陣積規模
古筵挹晴嵐氣色惹宜有明珠酬白璧空憐瓦缶間
黃鐘紛紛雪片呈佳瑞一飽端知萬姓同

夔州府志

呂之鵬

密縣人申公之裔也嘉定中人

憾金兵

縫掖無由掛鐵衣劍花生澀馬空肥燈前草就平南
策一夜江神涕泣歸

浩然齋雅談呂之鵬密縣人申公之裔也
大金宣宗頻年南伐作詩憾主兵者云云

史定之

字子應鄞人彌正子以祖恩補修職郎歷知昭
武蘭溪二縣開禧中除守吉州嘉定間改饒州
晚退自號月湖漁老

題薦福寺

一堤楊柳月十里芰荷風

吳地紀勝

宋之源

宇深之嘉定時江油人

遊涪溪

不因黨論到元符安得溪山着一儒時有拙伸須直
道天開靈傑豈歸愚泉疏陰澗詩餘派手拓蒼崖節

轉孤自送江西仙袂遠神遊應過此間無

李一鰲

嘉定中漢州守

玉盆

玉盆應有意要洗貪者廉

石刻

林干之

興化人嘉定中潮州通判

贈水簾洞黃秀才

讀書避世喧結廬五雲表澹泊足生涯詰曲藏深杳
仰觀紅日近俯視衆山小滄溟舞澎湃雲氣度浩渺

喬松蔓翠蘿絕壁挂啼鳥一派從天來長練挂木杪
海鷗忘機智尙蝶驚飛繞亦知山房靜而被俗客擾
作詩寄殷勤努力須壯少他年騰踏去蕙帳猿驚曉
廣東通志
古蹟畧

董與幾

嘉定時鄱陽人

題淡山岩

厥初誰剖混沌殼光明僅透天一握龍門鑿斷工有
餘剗剗巉巖開灑落我來沆碣千崖高溜雨萬丈聲
蕭騷岩上風煙岩下水晚尋丹竈夜漁舸

零陵縣志金石

王子昭

嘉定人篤學好禮時稱東郊先生嘉定中始創學宮捐田贍學士嘉其義見嘉定志

詠練川

吳淞江上流來水鳴絲鄰鄰漾清泚東風無力藹清光一片縠紋吹不起夜來雨漲三尺深鷓鴣鵲鵲爭浮沉芹芽迸上抽白玉柳條沸浪搖青金錦袍先生乘一舸此處恍然天上坐閒聽漁郎唱櫂歌遙指奇峰三四朶巽旁有人新結廬軒窗瞰水宜幽居村童喚渡去沽酒野叟就船來買魚風清月淡堪娛樂笑

掬滄浪纓可濯何須尋訪武陵溪不必思吞雲夢澤
下流香水正遲遲草邊得句何新奇地靈人傑萃斯
景尙傳靈運嚴維詩桃花浪暖魚游處三十六鱗欲
飛舉有龍若向此中蟠蚤爲蒼生作霖雨

寶山縣志

張晉

嘉定間教授泰州

踏磧

夔國先生有舊風來看踏磧莫匆匆只緣歲稔民康
樂纔到春初氣鬱葱生怕背籃挨舞袖不妨腰鼓開
歌鐘元戎小隊臨江潯要與遺黎一笑同

夔州府志

黃伯固

字子堅將樂人嘉定間知上高蒞事精明姦豪
屏跡積弊搜抉無遺解任日剩錢三千餘緡留
縣庫而去

淵靚亭

江山無古今闡發自我輩心期得地勝有目皆一快
負郭西繚川衆流翕以漚水光開三面結屋此其最
囂塵劃清漪景象極爽塏泓澄湛寒碧潭影尤可愛
巖前列烟樹翠色聯不解盤坳石下瞰林立錯奇怪
雄觀喜新獲曠境了無碍人謀孰使然天作若有待

學宮爾多士游息於此在豈但濯爾纓亦可前爾佩
脩然魚在藻行矣鯤化海維茲淵靚名妙處默領會
中庸至矣夫智者樂在內水德本無虛人心亦清濯
卽物以察己致之不在大清源堪疏濬世慮滌昏昧
曾子浴乎沂不出一唯外淡乎賈傳心或可分一派
瑞州府志

雙清閣詠雪

箕伯宵聲怒鬚童早語哈飛花先臘白和氣覺春回
暗動雲都簇先憑雨作媒有情皆噤慘無物不低摧
濶灑吞平野斜飛透隙埃朦朧山下路孤絕水邊桅

厚載危傾壓陰機巧剪裁溪流連底漚蒙嶺微尖堆
妬舞時飄袖催詩賸遣材高將凌玉闕清可並瑤臺
密密疑霏屑紛紛認落梅諷龜占穠稂宿鷺歛鵲
凍案呵吟筆高樓殢酒盃市衢停轍迹香篆冷爐灰
試問麻衣詠何如柳絮才一時聊紀事著句郢難陪

公餘漫興

蓼花秋水漫官衙令尹情懷自一家退食小齋無俗
事閒呼童子問桑麻

上高縣志

程以謙

字子益嘉定時眉山入

遊涪溪 二首

憶昔經行三十秋，重來創見古東樓。
涪溪天造渾無恙，鐵鎖雲橫欲斷流。
兩客後來誰更重，一樽今日意慵浮。
懷人萬古高山仰，賸喜夤緣得再遊。

重憶□都擾擾時，自憐解事作癡兒。
風聲鶴唳從渠駭，斗折蛇行笑我危。
地險向來誇峻國，天誅□許恃滇池。
氈裘未省相知否，更欲憑君一問之。

楊叔蘭

臨邛人綿州通判

東山景物爲一郡之勝，余□佳處作三小亭。

官閑亦足自娛□嘉定初元戊辰十一月二

十日

人生天地間今古一□觀凌空絕虛曠萬象羅巖巒
能一故□應物化干□端萬端總歸一唯悟無□言
舊聞□□翁獨釣江之干不知歲月深但覺□□寬
我思一訪之意會心□看作亭號□隱半空摩高寒
時與二三友登臨等□歡致君知無術隨世聊自安
滾滾出下水舟舟皆濟川川流無津涯舟□□復還
時聆二三策使我心茫然伊周在何許鄉風一長歎
金石苑

羅之紀 厲有

資國院

倦逢磐石手摩挲橫壓烏藤漫嘯歌烟崦坡陀青玉
案寺山縹緲白雲窩紙窗竹屋小礚礚林影溪光相
盪磨試共老僧參此意一聲喚醒讀書庵

瑞州府志

文師敬

嘉定時人

龍多山

我家龍多西出門山在目杖屨三十里兄弟穿雲宿
山上有頃田崑洞多重複石園如內空可容萬億斛

奇古一仙臺清絕二梵屋千歲大夫松萬竿君子竹
四時風颭颭多寒而少燠天低星月近舉首心自肅
不敢高聲呼恐帝謂予驢轉盼四方寬萬山皆俯伏
幽人來避世松柏可充腹何勞苦煎炮自有雲蒸熟
朝易暮楞嚴隨意伴幽獨天下真樂在安用名利逐
我亦知此樂倚門望良速入山未要深且歸問寢餽
男兒天下志未忍同草木他時素志遂人進我則縮
登臨寄餘生分此山林福吾心與道俱出處應可卜
樓鏐

鄞縣人嘉定間通判汀州俗故獷悍鏐協贊州

守得行其政罔不馴服

寧泉寺

孺興往事亦難明對景思人想獨清黃絹異時留好語幽泉千古擅佳名五星巧作聯珠勢一派常聞瀉玉聲他日相逢如話舊也曾到此會簪纓

宋詩拾遺

胡仲威

字伯園廬陵人嘉定中廣西桂州通判

穿山月巖

石磴欹欽□□□坐來心跡自雙清不知渾沌何年鑿便有嬋娟一鏡明周穆馬蹏何寂寞謝公屐齒□

□□□然欲御長風□□□烟雲脚底生

廣西通志金石

胡桀屬有

詠丹桂

碎瓊揉香作肌骨霽日吹紅染膚色人間何處有此
香一種風流初未識東隅月戶編三千夜修玉闕瀛
洲前拂搖桂子偶在此雨露培植開韶妍史翁移根
出葱蒨雕屋持歸翠微殿一朝麗質貫百昌御墨分
題落團扇何年流轉江南鄉一本奚翅千金償分枝
接葉色已淺縱有此花無此香絕愛西山佳麗地藹
藹修林倚清吹盍論斜日杏花酣未許熙春海棠睡

是時金氣初高明宇宙軒豁塵埃氛青霞絳雪互點綴濃芬賸馥飄氤氲驚峯繁黃全不數破滅山僧練裙女試看香御擁紅雲肅奉虛皇游碧宇攜持寶鏡吹波金寒光萬頃空人心煩君控取紅鸞住便恐香魂夜飛去

丹桂疊韻

霧隱森森小山碧不嫁東風矜國色流芳端是藥宮仙曾是先皇親拔識一身便足當三千氣韻乃在黃香前聊向葵菊領秋意不與桃李爭春妍日幄雲幢護青蒨丹霞爲臺月爲殿露滋韶艷染猩袍風引青

芬吹雉扇結根只合帝子鄉價重未可瓊瑤償濟川
小試舟楫利作醴更助椒蘭香仙藉英聲在丹地紫
殿名高非濫吹影斜遙漢玉泉寒香度鎖窗金鴨睡
運際千齡遭聖明氣使萬里開豪氛一枝昔已擅風
采五方今正傳氤氲後塵江梅誰比數獨抱孤根對
青女幸分餘馥霑後來一吐寒光照霜宇伫看一啜
輕千金嫣然顧笑舒丹心願公千秋長在廣寒宮裏
住容我驂鸞共來去

以上象山文類

挽莫與倫

三顧無人憶草廬藻江文海竟何如馬卿早已羞逢

掖狗監誰能薦子虛曠達儒宗貧嗜酒清高立晏老
耽書南州人物今如許深惜霜林一夜疎

宛陵羣英集

虞剛簡

允文孫兄弟八人皆好修而剛簡最知名與魏
了翁范仲黼李心傳講學蜀東門外得程朱微
旨箸易書論語集說蜀人師尊之嘉定中守池州
守三池丁祭宿齋所賦

洙泗微言日夜行天高地下昨猶今□□□六經
意識得皇皇萬古心宗廟百官誰不見朱絃疏越有
知音同人得似三池盛屬目冠裳儼若林

零陵縣志

徐自明

字誠甫永嘉人嘉定中知永州撰宰輔編年錄
零陵志十卷

遊浯溪

□□□□□奇金石相輝萬古垂論定固知名貴
正危時更識禮從宜溪山不老刊長在天地重開繼
者誰多少艤舟咸有紀況予畢戍可無詩

湖南通志
金石畧

胡偉厲有

遊虎邱集句

二月韶光半

郭震

十日清明前

杜牧

茂苑城如畫

李商隱

美

宋詩六十六

三

景漸暄妍

劉禹錫

流水閭門外

同

城隅集小船

杜甫

今朝

得游泛

盧子諒

曠蕩亦所便

蘇軾

靜苑林麓好

陸龜蒙

瀟灑

共安禪

杜甫

藏山在平陸

李德裕

樓閣倚山顛

杜甫

盤石坐

千人

顏真卿

的的可傳

韓愈

劍池石壁仄

杜甫

蒼林鬱芊

芊

韋應物

東軒有佳致

蘇軾

酌茗開淨筵

同上

且復忘羈束

戴叔倫

遇勝輒留連

蘇軾

薄暮方來歸

范彥龍

寒水共澄鮮

謝靈運

娛樂未終極

阮籍

銷魂獨黯然

宋之問

虎邱志

吳弘鈺

嘉定時款人

石門峰

橫石架廣門天風自來去夜半聞洞簫知是神遊處
黃山志

于炳文

字季文普慈人嘉定中資州巴令

登九會臺

今日重陽日菊花開未開飄飄風掃逕泛泛露迎杯
甚喜諸同口相期九會臺臨歸逢勝賞留句在崑隈
金石苑

黎民瑞

嘉定時人

嘉定元載浴佛日遊玲瓏山次東坡先生韻
倚巖松古勢如龍峭拔層峯翠入空九折湍泉珠散
漫遶溪斜石玉玲瓏青環木杪山藏寺碧擁亭高竹
逗風策杖共尋坡句讀登臨清賞興無窮

兩浙金石志

李

壁
屬有

擬峴臺

羊公洙泗人易地卽顏子功名真餘棄邂逅照圖史
況復權利間何啻鼠肝似武庫偶並稱相去不知幾
臺傾屬新葺天遠暮山紫佳月喚我來拋却烏皮几
莫言風景非世本無真是有酒卽宜城有魚斯漢水

慇懃一樽共清唱切雲起羈旅聊自舒高興未渠已
銀河簾旌接斗柄屋山指側聞急才秋便坐引奇士
但遣君意陳流俗非予恥

撫州府志

金石山

高處渾無一點塵平川極目淨於茵松聲滿院日亭
午世味着人誰識真倘乞半巖容卜築仍留別浦待
垂綸寒灰豈復重然望獨愛新詩語不陳

撫州府志

北園酌酒觀鶴

仰看翔翮俯遊鱗物意溶溶各自春遙想滄浪五君
子長身玉立伴閒人

巽巖

蕭條白日閉岩扃留作遊人萬古情猶有山中舊麋鹿舉頭如聽讀書聲

東山精舍

彭山虞公允文讀書處

木落天清遠嶺多水平烟盡鏡新磨周公謝傅皆塵土病鶴閒來借一柯

慈姥巖

青神

洗盡一春歌酒塵蒼江吹破碧粼粼繁華過眼都如夢祇有三峯是故人

眉州屬志

張無隅

送趙紫芝運幹

重逢又重別把琰更淒然明日帆開岸平湖水接天
好詩應自作音佐狂夢與誰圓我欲來相趁揚州且住
船截江網

胡仲弓

字希聖清源人仲參之兄有葦航漫游藁

雜興

百年一瞬息萬事皆塵埃所以身後名不如掌中杯
山園足花草雨露相先開獨有崖下松春風不曾來
青林曉霜重百卉顏如灰蒼髯五大夫鬱鬱何佳哉

宋詩六十六

六

佳花費事治十無二三本惡草時掃除已復相葺
試嘗問園丁否泰乃爾反渠方倚鋤笑謂我見事晚
老天亦何心生花日袞袞

梁武欲爲佛秦皇欲爲仙萬乘猶不足要與天齊年
人生幾兩屐過眼如風烟此心苦無已憂患常烹煎
不見客斯逐力詆爭秦權寧知咸陽市父子更相憐
過新蓬二嶺

新嶺高蓬嶺高兩山前後爭嘈峨世途平處多風波
何如嶺嶠肩相摩腳踏實地無偏頗著身高處不爲
勞新嶺高蓬嶺高勿令此地生蓬蒿

芳庭爲作希聖二字以詩謝之

貫休鐵畫天下奇
芳庭心法今似之
偃波垂露久不
作雲烟灑灑光
陸離北山塔穎
健筆卓西湖倒
瀉爲研池長空
萬里紙一幅等
閒揮翰搖坤維
大書姓氏賤金
闕書仙驚問子
爲誰安定後人
希聖父曾披骨
鯁干龍墀公權
筆諫粗有志未
知所遇何如時
書仙間言發一
笑風雲際會須
有期何當濃墨
寫竹帛千古萬
古長昭垂

法山寺

距城無數里
乃有此名
山海近雲常
漫林深風易寒

宋詩六十六
齋餘飛鳥下定後野僧閒一宿何曾覺翩然又起單

廢寺

鐘鼓蕭條久誰從此地來僧房無戶牖佛面有塵埃
碑斷眠荒草廊空長綠苔鴝鵒并蝙蝠時或此徘徊
得闕越州冷掾

寒甕纔入手便動帝鄉心千古蘭亭在三年芹水深
文排崑體作詩對越人吟自得高山趣何當遇賞音
明發

明發占鷄唱停驂數暝鴉半生多在路十日九懷家
照水芙蓉色滿園蕎麥花歸田何日是對客語桑麻

題黃耑玉寒瘦橐

幾回吟傑句破研幾遭焚古道不復作唐風猶可聞
寒於梅傲雪瘦似竹侵雲近世無郊島詩人數到君
送傅明府之南安

撫字及催科三年鬢已皤公心如日月浮蟻任風波
父老顰眉說兒童拍掌歌歸裝無一物空有綠旗多
車中遙觀五峰

五峰天外立驢腳慣經過十載身萍梗今朝面薜蘿
雲低山色暗風急樹聲多蠟屐何時辨來聽樵子歌
尤溪山中

山中寒意足自笑索裘遲野店鷄聲飯頽垣鷓鴣字詩
雨餘松徑滑溪漲板橋危問訊恬軒老鄉鄰總不知

原註恬軒乃趙維也
棄官入山三十年矣

舟中歸興

舟膠回短棹岸曲抱溪斜香篆迷烟草燈光閃浪花
歸心隨舴艋遺響託琵琶明月如留客猶籠淺渡沙

桐江舟中

推蓬納山色愁坐對黃昏雨過天無翳舟行水有痕
鐘聲來遠寺犬吠隔烟村柳下漁人屋收罾早閉門

春日雜興

衝雨衝泥處處行物情殊不可詩情牡丹又是一年
過春事畧無三日晴先後筍爭膝薛長東西鷗背晉
齊盟山居寂寞誰堪共杞葉菊苗俱可耕

綠陰芳草鳥啼春與客相攜發興新半落杏花初過
雨微酸梅子已生仁每尋詩去必遷坐穩跨牛歸不
問津筋力尙堪簑笠在莫欺老子髮如銀

和劉後村雜興

冬深差喜病根除藥裹猶親酒琰疎門對好山純種
竹園通活水可澆蔬欄牙帶溼霜晴後簾額移陰日
出初時有郵筒遞詩至吟餘便擬借牛車

宋詩六十六

九

幾年待漏趣朝班，乞得閒身反故山。
公論盡歸恩怨外，清談不落是非閒。
屠龍有信無高手，畫虎雖成亦強顏。
馬革裹尸徒自壯，爭如投老得生還。

宦海風波亦足驚，得閒聊爾慰平生。
雖無塞上雪堪臥，幸有山中田可耕。
一老拂衣何太勇，羣兒撼樹漫相輕。
絕憐千丈西涼瀑，偏與人閒訴不平。

當日曾彈貢禹冠，懸知出處獨今難。
寧將退翮翔千仞，誰有模稜持兩端。
風雨筆頭猶老健，江湖吟鬢未凋殘。
十篇話破平生事，留與時人作樣看。

回文體二首

紅花濯錦織前山日暖啼鶯春晝間空院古廊風寂
寂僻居幽谷水潺潺宮移舊曲新翻譜酒暈濃愁淺
帶顏同調賦詩吟思苦匆匆急遞走囊慳

灣前過渡小舟虛好景妝成天畫圖山列翠屏開戶
牖麥翻黃浪滾田圩閒鷗樂處晴波細暮鳥歸邊殘
日晡攀柳共人人恨別絲絲落絮有情無

過蒲城懷劉後村中書因以奉寄

當日揚清激濁流身危肯作稻粱謀不從黨錮諸賢
死竊祿偷生亦可羞

郊行

杜鵑聲裏又花紅處處陰雲日影蒙心事太平人事
好眼前無物不春風

觀中原指掌圖

月明空照八陵碑玉館瓊樓失舊基故國不堪回首
處西風滿地黍離離

觀丙辰省試宣鎖作

四海文章屬品題老夫刮膜有金篦諸君熟讀阿房
賦未必能爲五色迷

撒幙焚香冰鑑開勸君切莫負多才黜邊取迪渾閒
事只恐紛紛擲筆來

一窗絲雨一簾風當日蠶鹽滋味同見說主司多好句
有將蠶蟻待諸公

過釣鉤嶺悼亡友盛景韓

一見銘旌作許愁西風飄落冷颼颼
早知直氣無伸處悔不當時曲似鉤

以上江湖後集

徐暄

呂東萊門人

壬寅仲秋二十有五日哭東萊先生之墓

缺月疎星夜已闌風淒露重逼人寒
郵亭破曉經行處不似今朝酷鼻酸

庚子秋中憶請達先生溫語扣還期去年匍匐雙溪路迨似當年失母時

先生墓木已成陰霽月光風何處尋只有遺言常炯炯誓將白首契初心

四海瞻依一偉人丘封業業木森森仰天慟哭悲風起舉世中和孰嗣音

余伯臯

寧宗時人翁卷集有呈余伯臯詩

游虎邱

纔出閭門望虎邱馬行衝雨上扁舟綠楊碧草沿溪

岸白水青苗滿稻疇雲霧黯然方潤溽山林藁爾自
清幽吳王邱墓分無所英氣猶依劍石留

虎邱志

鍾唐傑

袁州萍鄉人朱子弟子

送僧還日本

上人海東秀才華衆推優學道慕中國於焉一來遊
武林忽相遇鍼芥意頗投儒道雖云異詩酒喜共酬
況茲古名郡佳麗罕與儔湖山快唫覽勝跡恒追求
合并惜未久又理東歸舟揚帆渡鯨浪帖帖如安流
慇懃不忍別繾綣難爲留臨風極遐睎目斷扶桑陬

他時託芳字還能寄余不

隣交徵書初篇

時濔

字子濔一字伯江鎬之子呂成公門人有學行
著尚書周官□□餘未成編而卒忠公誌墓執
友私諡曰夷介先生

宿莢道驛

笋輿倦長途夜投村邸宿市井倚巒岡人烟半樵牧
茅簷俯清流翠巘出前屋山月照人寒有意憐幽獨

敬鄉錄

黃麟

嘉定間福建德化尉

遊登高山

直上登高眼界寬
蜜陀僧舍富琅玕
天雄峻塔凌霄漢
澤瀉巍階護鐵欄
虎腦已回仙枕夢
雞頭甯媿國香蘭
登臨豈止黃花日
川練常隨夜月寒

德化縣志

陳師服

嘉定時人

和許伯翊訪景山

仙溪七十里半世始聞名
一日見山面千年懷友情
古匏浮醪醪清水照塵纓
霜月亭亭白連床話到明

仙遊
縣志

吳紹

甯宗時人

嘉定十六年題陶公惜陰處

幽房翠竹籠蒼蘚更有流泉濺石磯
莫道塵埃人易浣試來搖足濯清風

上湖紀歲
詩編注

魏几

字天隨福清人從林光朝學

句

丹霞夾明月半白在梨花

福州府志

宋詩紀事補遺卷之六十六

男內閣中書樹屏校